



Broj: 02-04.1-228/22
Brčko, 06.06.2022. godine

Na osnovu člana 12. Zakona o Direkciji za finansije Brčko distrikta Bosne i Hercegovine (Sl. glasnik Brčko distrikta BiH broj: 19/07, 35/17 i 3/019), a u skladu sa članom 5. Zakona o poreskoj upravi Brčko distrikta Bosne i Hercegovine (Sl. glasnik Brčko distrikta BiH, broj: 11/20), direktor Direkcije za finansije, na osnovu prijedloga Poreske uprave, daje sljedeće:

Мишљење

Poreski obveznik ██████████, obratio se Direkciji za finansije zahtjevom za mišljenje, koji je zaprimljen 03.03.2022. godine i evidentiran od strane ovog Organa pod brojem: 02-04.1-228/22.

U Vašem aktu postavili ste pitanje:

„Da li ova vrsta usluge podliježe obavezi plaćanja poreza po odbitku? Ako je odgovor da, onda šta je potrebno, tj. da li je dovoljno da pribavimo potvrdu o rezidentnosti poreskog obveznika i na osnovu toga primjenimo ugovor o dvostrukom oporezivanju, i na taj način budemo oslobođeni plaćanja poreza po odbitku“?

Prema članu 28. Zakona o porezu na dobit (Sl. glasnik Brčko distrikta BiH, broj: 60/10, 57/11, 33/12, 30/20) svako pravno i fizičko lice iz Distrikta, kao i svako strano pravno i fizičko lice sa stalnim mjestom poslovanja u Distriktu, koje isplaćuje prihode stranom pravnom licu, iz člana 29. navedenog Zakona, dužno je da odbije porez od ukupnog iznosa uplate prihoda i da odbijeni porez uplati na Jedinstveni račun Trezora. Porez po odbitku plaćen u skladu s ovim članom je, za bilo koji prihod stranog pravnog lica, konačan porez u vezi sa tim prihodom.

Međutim, prema članu 31 stav (1) Zakona, ukoliko je korisnik prihoda na koji se primjenjuje porez po odbitku rezident strane države koja je zaključila međudržavni ugovor sa BiH vezano za porez na prihod, tada stopa koja se primjenjuje na svaki takav izvor prihoda ne može preći poresku stopu iz međudržavnog ugovora, u skladu s članom 30 ovog zakona. Oslobođanje od poreza ili niža poreska stopa primjenjuje se na prihod na koji se primjenjuje porez po odbitku samo ako pravno lice, korisnik prihoda, osigura isplatiocu prihoda dokaze o sticanju prava na oslobođanje ili primjenu niže poreske stope zasnovane na međudržavnom ugovoru.

Imajući u vidu da Bosna i Hercegovina ima zaključen ugovor o izbjegavanju dvostrukog oporezivanja sa Republikom Srbijom, smatramo da niste u obavezi platiti porez po odbitku prilikom isplate naknade za održavanje servera i opreme, s tim da ste dužni prije isplate pribaviti potvrdu o rezidentnosti preduzeća iz Srbije koje vam vrši održavanje.

S poštovanjem.

Dostavljeno:

1. Naslovu
2. Evidenciji
3. Arhivi



Direktor Direkcije za finansije

Lučić, dipl. ecc